



序

遵王茂才名曾以先族祖秀峰御史為曾祖先

伯仍峯憲副為祖而先兄嗣美孝廉之第三子

也孝廉在日遵王駿方覆額掉鞅名場噴筆身

書將盡棄其所學于時人者而以古人為師間

亦過余南村論詩也孝廉喜曰鷓鴣子哉焉

用禁止之顧益慙思余相與為忘年叔姪交時

遵王詩已火攻今余慙矣已而登宮保公之門

而問詩焉宮保大喜盡以其學于古人之學校



之凡海內之問詩于宮保之門者無日不至而
導王親執都養之役相與上下其議論宮保則
又大喜以謂吾得回而門人日親也遵王既從
宮保遊余往去家而爲客襍覘寒羶公車席
帽窮途酸語興致都盡迴念孝廉勉旃時語不
勝慙矣遵王刻其今吾集去孝廉之世廿年所
去宮保之世八九年所鯉之庭虛無人焉不忘
曩遊而以序屬余何以序遵王哉無已仍請
以宮保之謂遵王者序之宮保晚年撰爲吾友

集蓋發端於遵王破山斷句之作也尤擊節于
莫取琉璃龍眼界拳頭爭悉見山河之句以爲
正如忒利天宮殿樓觀影現琉璃地上殆亦所
謂非子莫證非我莫識也集雖未成書而遵王
之作哀然剋首流傳壇坫以爲美譚宮保之傾
倒于遵王者至矣余又何以序遵王哉杜必簡
之在初唐子美之在盛唐皆一代開闢手今祖
若孫兩集具在相提而論子美格律門戶有不
出於必簡者哉故曰詩是吾家事也然子美未

得親聞詩必簡而遵王既胚胎前光又學于
宮保終其世不較子美有厚幸歎宜其詩之蚤
就又隆就也余益一慙之不忍而終身慙爾序
又釋慙乎哉

康熙壬子元旦南村雨窓愚叔陸燦書



今吾集目錄

人百寄扶桑

虞山錢 曾遵王

屏風詞十二首

西郊即事四首

途中有感

春盡日送友人

早行

夜坐

旅途

燕子磯遇雨

寄黃甫及六絕句

九日過澄江

上巳日大宴詩四首

讀寄巢詩

宿破山寺十二絕句

和牧翁述古堂酒闌有作四首

和吳梅村贈蘇生絕句四首

梅村枉訪

贈別陳伯璣

題耦耕圖

啜茗歌

陰崖老樹歌

秋懷八首

金孝章生挽詩

和一月六日文讌詩

東表試周次東澗韻

花朝前二日集偉長定

遠諸君

倚前韻贈施偉長

康小范徐源一諸君同作

拂水山莊雅集

端士諸君再集述古堂

癸卯佛日

小村

題石谷子畫卷

述懷詩四十韻

戲答論詩十二絕句

宿虎丘僧房

伊人山塘同步

渡江

季滄葦休沐歸里

觀女劇十二絕句

晚至廣陵

過潤州贈日菴

梅仙書舫圖

水村閱望

琴心調笑詞六首

今吾集目錄終

今吾集

人日懷草外友人寄扶桑

遠書無處寄良朋望裏危欄獨自凭
風散落梅城上
笛雨昏桃渚邊燈耗磨時序愁仍在
管領春光病
未能從此淒涼過人日思君只合醉騰騰

西郊即事四首

簾捲東風日日晴酒樓絃管滿江城
香圍曲檻花爭
放愁遶芳洲草又生一陣寒欺蝴蝶夢
三分酒帶杜



鶻聲春未偏愛西湖好烏榜朱欄畫舫輕

其二

酒香花安好春前銀甲調箏記往年故里又逢鑽火
候中原仍是賣餠天柳烟亂上題詩筆梨雪斜飄載
酒舡向夕風光倍惆悵高樓博局故依然

其三

鞦韆斜挂綠楊新罨畫亭臺倚水濱闌草路迷盤馬
客賣花聲引放爲人橋邊斜日如初日陌上今春似
去春十里橫塘好乘興香車闕起一街塵

其四

壺觴到處便淹留逐伴看花感昔遊贈柳王孫歸北
浦紉蘭女士會南樓銀箏燕語垂垂老寶扇鶯歌緩
緩愁日暮醉歸人影亂行雲扶我上扁舟

屏風詞十二首為北里舊人作

白波倒捲酒杯寬銀燭膏明夜向闌吹徹玉笙人既
醉梨花春雪隔簾寒

其二

燕子江南樹以春杏花紅淚一沾巾掃眉才子情多

少山下藤蘿故人

其三

十載青樓事已非，鬢絲殘夢與心違。
蕃釐月缺瓊花老，度得新聲教雪衣。

其四

紉酒頻頻羯鼓催，小紅不肯放春迴。
旁人卻指高樓笑，誰點難陀額粉來。

其五

墮珥遺簪滿坐隅，微聞鄰澤解羅襦。
百花橋上無消

息重到人間扣玉壺

其六

金粉雲箋小樣紅，綠沉漆管對春風。
簪花格態斜行字，草草尊前寫惱公。

其七

縷衣歌扇掌中情，幾度淒涼唱未成。
總是鳴笳垂淚曲，笑他車子轉喉聲。

其八

酒海燈枝過幾年，紅牙檀板話同緣。
拌教却月雲中

墮夜半花西
杜鵑

其九

從來名士悅傾城
碧玉簪
許定情
賜汝一盃薰髓
酒道人誰是衛符卿

其十

玉瓶行酒荔枝紅
令打占相肩語中
壁月一圓人去
也抱琴拋我上屏風

其十一

公鼓聲停殘月高
跳珠錯落起檀槽
儂家綠樹鞦韆

外依舊春風語百勞

其十二

麴麴眉柳遠山低
花照離觴溝水西
他日相逢須記
取木綿風急鷓鴣啼

春盡日送友人之揚州

花落短長亭
臨風別淚零
春隨人共去
愁與醉難醒
瓜步波痕綠
蕪城草色青
離歌催棹發
把酒勸君聽
途中有感

寒風獵獵過危城
浪靜舟平潮未生
峻壘荒烟孤戍

恨遠山斜日，旅人情斷橋。古廟淒涼在野渡，閑雲黯
淡橫。不是天涯獨垂淚，幾多哀鴈送愁聲。

夜坐

百感中來不自由，畏心浙米向矛頭。一窓雨氣侵孤
硯，四壁風聲入敝裘。竹几攤書消永夜，茶鐺留火見
殘秋。思量十載長干夢，荏苒年華逝水流。

早行

班馬蕭蕭，又早行。荒雞啼到第三聲，敗蘆野店侵官
道。廢木高岡，傍古城。山似荒烟連復斷，水因殘月暗

還明。長途無限淒涼意，倦客低迴故國情。

燕子磯舟中遇雨

目斷江豚蹴浪開，扁舟書劍愧非才。雲邊雌霓先催
雨，天外雄風忽送雷。暮氣捲隨寒岸澗，秋聲都逐晚
潮來。蒼茫欲指汀洲宿，荻葦蕭條朔鴈哀。

旅途

軍城戍鼓亂悲笳，枯木汀前噪暮鴉。秋草半攔分地
角，夕陽驢背指天涯。早時夢寐迷殘雨，明日陰晴信
落霞。燈火半窗言語沸，石橋南面是人家。

九日過江

醉顛風景嘆無聊
九日天涯淨泗遙
脫葉暗飛淮甸
雨征帆亂落海門
潮淚欺倦睫茫茫
濕秋捲驚魂黯黯
消休道澄江淨如
練浪花鬢影共蕭條

黃甫及書來却寄六絕句

滅沒斜陽照水痕
烟波秋思傲乾坤
閑來不閣支頤
坐何似西湖不繫園

不繫園西湖坊名
坊閣君之室也

其二

枯木寒鴉漂母祠
夕陽留與後人思
篝燈細讀淮陰

傳只記城南罷釣時

其三

南枝猶未放梅花
書索梅花
因有此句
吹笛關山日易斜
正是思君腸斷處
那堪清淚咽悲笳

其四

座上嘉賓北海同
良宵不放酒杯空
却將東馬懸車
令行向分曹麴部中

其五

數樹枯楊在堤夜
烏飛到白門
栖悠悠淮水心知

少拋却陰符公闕難

其六

剪髮奚奴把酒隨黃衫豪氣劍心知鶯花最愛山塘

路青翰舟中度曲逢

甫及在吳門有左風懷之癖故以青翰句諶之

勅先編次石林上人寄巢集成詩題其後要余

和之為次其韻

緇羅遺詩憶苦吟煩君剪拂意尤深次蘆枯雪前塵

事凍栢疎雲後夜心祭懶殘箋供假手

石公有西崑箋註近為松

陵所取牧斜序有假手以終殺青之嘆

塗鴉小字遇知音

遺詩刪改重疊墨嫩紙渝

勅先細細尋味而出之

寄巢記得尋師路山寺秋高日照林

上巳日文宴詩四首

楊柳垂、拂檻前蘭亭今日會群賢隔簾鳥語催絲

竹入座鶯聲替管絃傾蓋不懸徐穉榻飛觴似醉李

膺船此時江左龍門客一笑相看盡少年

其二

徵伶選勝笑喧喧椽燭高烧文宴開窺豹栖鸞皆上

客懷龍吐鳳摠奇才迎簷舞柳鶯翻入點席飛花燕

蹴來正是西園好風景玉山相對莫停杯

其三

眼底名流滿座中不將猿鶴伴沙蟲
酒隨波面輕浮綠燭颺花心半吐
紅漏箭傳聲催淑景簾衣蕩影轉
光風潘江陸海斯文貴願砥狂瀾
倒向東

其四

肆筵設几畫簾垂錯襟觥籌樹酒
旗笑語尊和春盞盞笙歌氣暖夜
遲遲前驅文陣予何敢後從詞壇
某在斯拂水至今傳盛事吾家宗
匠實堪師

秋夜宿破山寺絕句十二首

禪房花木蕩窮塵白髮觀河喻社
因省得浮生俱幻泡山光潭影即
前身

其二

曲徑荒涼石壁開山風暗拂舊經
臺泠泠澗水清如磬何處龍歸鉢
裏來

其三

劫盡灰飛器界空陶輪來往任颺
風寂光定處長無恙樓閣依然右
手中

其四

空庭月白樹陰多
崖石巉巖似鉢羅
莫取琉璃籠眼界
舉頭爭恐見山河

其五

馴鴿西飛倦又還
石幢雲影度空山
世人不識陀羅臂
只在如來顛倒間

其六

空堂印火自然明
山鬼窓前踏葉行
小參室中無語坐
松風吹落木魚聲

其七

古梁斜月照經函
恐草侵階悟舊參
彌勒夜深還一笑
長明燈下許同龕

其八

夢裡群羊見負魚
金鈴羯語受風初
乳傍自有光明穴
夜夜幽窓照讀書

其九

疎牖斜開對病僧
閒看饑鼠啣枯藤
馬兜門內依稀在
却是無人喚百升

其十

三劫茫茫灰亂飛蒲團錫杖且相依飲光那肯閑來
去鷄足山頭守佛衣

其十一

長廊盡處虎曾過深嘆年光一擲梭閑倚殿南瓔珞
樹額乾有約笑難陀

其十二

蓮華法界萬松西靜夜鐘聲解宿迷便合洛陽城北
住悶來點筆記招提

辛丑二月四日牧翁先生止宿述古堂張燈夜

飲酒闌有作依韻奉和四首

芳條淑氣正慈龍春色先歸函杖中文羨陸機陳世
德詞推潘岳述家風松聲入硯烟浮綠香篆紫簾日
映紅江左龍門慚奉袂詩壇軒翥許誰同

其二

雲容淡澹日冥冥獨抱遺編欲受經郭泰亭前新草
碧江淹宅畔舊苔青撐腸少字譌三豕割肚無書味
一丁從此問奇須載酒縹囊古帙有乾螢

其三

輕寒未過落梅時二月祠山風信遲
鳥語欺人啼欲絕
絕花容笑我坐如尸
歌殘白雪雲猶戀
醉倒清樽月暗窺
良夜迢迢更漏永
檢書燒燭不容辭

其四

酒闌無睡夢魂清
悉聽悲笳咽五更
幾度鶯花迷澤國
一番蝦菜到江城
懶拋紅豆翻新曲
笑吸黃柑解宿醒
最是討春風景好
尚湖排日釣江橫

讀吳梅邨先生贈蘇生絕句生與柳敬亭俱為寧南殘客有江潭流落之悲援筆和之四首

殘年眼冷舊旌幢
今日楊花又渡江
吹破李年烟竹笛
半帆月影落船窓

其二

填土長髯脚口碑
白衣殘客淚交垂
學他飯盃孟搖頭
去怕聽城西畫角吹

其三

茫茫泉路惜離群
酌酒澆花入亂雲
足馬南山看射虎
短衣還哭故將軍

其四

悞人雙屨莽蒼遊脚氣歸來竹葉舟回首旗亭花似
雪一聲腸斷唱伊州

梅却先生枉駕相訪酒間商榷綏寇紀聞有感
賦此

迢然影事未能忘戴笠乘車過草堂借箸莫言山聚
米引杯兼笑海生桑秦關鹿走當年火吳死烏啼此
夜霜指點舊京愁歷歷為公張觸恨偏長

胎仙閣贈別陳伯璣兼訂十月再晤之約

雨暗山城夜壑移胎仙閣上送君時孤帆明日雲千

里殘燭今宵酒一卮白練裙留前代曲青琴賦擬遠

山眉

君攜浣花君小影自隨牧翁題詞有不唱前朝白練裙之句白練裙鄭應尼所作樂府與

君把臂重相約丹紫黃花是晤期

題陳伯璣耦耕圖

天蒼浪地偏窄雞豚社在東阡與北陌牛角休掛漢
書牛背休歌白石鴻鵠之志燕雀不可得而知笑彼
輟耕壟上西風客長為農夫滋味長人間留得耦耕
堂抱膝而坐意似欣然有所會殘山剩水搃在牛欄
秋草傍周原膺膺禹甸茫茫群鳥獸而不返又何用

指禾黍以平夕陽種豆須近南山下種稻須近要離
野傷哉元陽歲惡獲夫悲草盛苗稀使我淚盈把觀
君此圖載誦耒耜經予亦滔滔沒世者

啜茗歌書於茶寮壁上

山礬花落陂塘水丁字簾前風日美幾年雙鬢悞人
遊揚州殘夢茶烟裏草木清嘉初夏時子規啼破送
春詩渚山頭陀真新薜解羸開茗雲離離摩抄茶具
拭茗椀呼童吸水雲牙滿旋看蟹目生乳花靜疑雨
聲助蕭散村山得道三飲中天隨花脯興趣同清氣

蓬蓬生兩腋松濤酒面來輕風輕風淡沱輕雲白禪
榻凝塵蔽芳席人傾酥乳說酪奴我指旗槍笑水厄
飲罷蕭然傍隱囊茅齋恰似水雲鄉肌骨清冷灑塵
盆平添詩思入枯腸憶昔月團三百片珍重斜封開
白絹柴門友闕自煎喫高人風致猶堪羨伊予茫茫
顛凍蠅肝肺槎牙生古藤欲滌煩襟清噪吻只合低
頭拜陸僧

陰崖老樹歌

顏巒壓綠生浮媚層磴古苔刷蒼翠陰藤倒卧掛蛇

孫蛇蜿愁鱗齊下地岸走沙崩開石縫老龍突臂掣
烟重青裡玄宮叫秋風荒根病葉和泥擁枝攢黑稍
森寒雲里巫澆酒呼為神畫絃一彈眉一啖紙錢飛
去空山昏千年木魅燒鬼火旱雷不雷光星墮

秋懷詩八首

涼飈起樹頭瞥然心暗悲秋人百不耐一樽聊復持
有酒勞手勸無用覓所知手口互賓主勸酬寡言詞
飲酣散鬱陶其樂將語誰叩首望東廂挂簷月如規

其二

不能賣歌詩不能賣草履淒淒閱窓下點筆攤書史
白雲停梧桐脫葉飄槩几癡童叉手告鴈聲又入耳
予坐而不言笑指茶臼裏

其三

飛翰墜層雲潛鱗出重淵斯文良不苟言簡妙意傳
傷廉與愆義雖愛必棄捐汲古退新懦耽思進重玄
咀英落其寔庶幾無愧焉

其四

夜夢捫青天冷風生兩腋蓬蓬冒雲氣天衢絕行跡

仙人在我旁拍手笑啞啞隻身掛虛空何其不自惜
再拜謝至言沈瀾淚沾臆忽爾失脚墮依然卧床席
披帷起永嘆進寸應退尺青天不可上上之亦無益

其五

燈影照良夜不眠依短檠落葉感人耳虛堂淒以清
寒蛩弔衰謝空階送秋聲耿耿愁掛懷遙夜難為情

其六

積雨天地暗莓苔上墻垣新溜漆池水繁雲暗小園
手把一卷詩吟咀坐西軒慨然究風雅泝流思窮源

蛾眉動於魄芳草悅於魂詩筒束如笋此際誰與言

其七

爽籟響高秋薄寒宜小病寂寂棲繩床風掃虛窗淨
有客來款門岸然意氣勁雄辯逞縱橫語多未可竟
伊余唯傾耳析疑不敢請問或荅片言胡盧要長柄
劇談一出罷幸未落語穿

其八

隙日射窓紙晨光正熹微秋衾護羈魄朝氣侵裳衣
屏居絕榮慕此中甘息機無所謂今是何由知昨非

攬鏡試一照敢云戰勝肥

金孝章六十乞人作生輓詩為作五言二百字
人生速行客。漏盡終有期。鼎鼎百年內。塵網牽縶之。
跋前復疋後。熏心利名錐。癡蠅穴紙窓。適足受點噉。
朝露溘焉至。夜壑忽已移。身隨草木盡。雖生奚以為。
古來賢達人。視死甘如飴。天地為逆旅。光陰白駒馳。
遘茲百六運。兵塵暗四維。生固未為樂。死又安足悲。
滿世醜齷子。老壽徒行尸。開筵齊授簡。喜頌南山詞。
笑彼南山詞。此是真輓詩。何如高曠懷。飲酒畚鍤隨。

溪南卒老子。一飽恨無時。自謂一昔死。即便埋路歧。
亦可供螻蟻。亦可供狐狸。斯人今已矣。達言良可思。
生死等一觀。此意無人知。千古唯淵明。獨唱生輓辭。

次東澗老人壬寅一月六日述古堂文讌詩韻

兼邀邛竹公屬和

年華斗指東。燕譽此宵同。柳滴三危露。花遲四照風。
水紋依檻上。香霧隔窓通。入盞屠蘇淺。堆盤秬糝工。
銘中新栢綠。頌裡舊椒紅。夜氣凝芳沼。春條發故叢。
邊頭歡上客。婪尾醉家翁。斂舞殘更盡。停歌小劫終。

漆書留柱史邛竹隱壺公自喜追陪數時依笑語中
二月五日東表試周宴東澗老人於述古堂敬

次原韻

裹錦推江左懸弧指海東
醉盤慚草草嘉宴笑匆匆
麟定追先烈龍媒憶故宮
仙桃迎曲檻人杏倚雕櫳
祖德歌長發孫謀託小同
花明策驥日柳漾釣鰲風
竹葉分波綠蘭膏射席紅
那容誇似鳳不敢說維熊
譜錄傳芳後枝分慶系中
無聞過三十何以荅家公
花朝前二日集偉長伊人定遠夕公於述古堂

即席限韻

文讌重開砥室東
蘭膏捲盡燭花紅
十分酒溢銀舡外
七字詩成銅鉢中
柳葉似欺窺戶月
桃根還領渡江風
芳樽不惜頻頻勸
又喜清宵樂事同

倚前韻贈施偉長

昔夢因依灘水東
杜鵑拜罷落花紅
芒鞋草草鶯聲外
冒絮勞勞馬足中
浴鐵久飛楛矢雨
崩銅又應島毛風
知君一握江天淚
麥飯清明歲歲同

康小范徐源一訪余草堂
施偉長申叔旆繼至

諸公斐然成章邀予偕作韻限三字

寒食初過一百五八分春事已無三柳拖青雨飄棋
局花捲雄風入劍函暫倚墨莊談故事還憑酒海覓
餘酣癸亭共是題詩客抵几謹叟欲作慙

太原王端士異公懌民虹友瑯琊王惟夏次谷
許九日顧伊人同過拂水載酒山莊清宵雅集
即席分題拈得支韻

賓筵初啟正芳時載酒行厨敢後期花盡山房春去
早藤垂澗戶雨來遲深慚清宴無絲竹緬想高人憶

履素

諸君問孟陽
耕耨舊處

語笑未闌重洗竿停杯休問夜何

其

次日再集諸君於述古堂又分得蕭韻

明燈促坐雨瀟瀟痛飲論文又一宵海內友朋今縞
紵田間踪跡已漁樵曲終漫擬歌湘瑟賦罷猶傳謚
洞簫有約扁舟屢經過詩筒來往莫辭遙

癸卯佛日遊北郭奉和東澗先生韻

灌木迎初夏涼風四月天西郊遊已盡北郭興相牽
浴佛仍遺俗傳經記往年鉢分高澗水香涌法堂筵

地漏蒼涼日天低密幕烟山空催急鼓谷響應繁絃
鳥語長松下人歌古墓邊行觴拋令急分席占場先
坐帶情騰醉歸應醅酌眠遊人占一老盡說地行僊
小村
高柳斜橋斷岸西溪雲閒蓋小村低漁翁篷底醉眠
覺花落水流鶯亂啼

題石谷子畫卷

夕陽小艇橫湖橋短檣長瓶不可招浮嵐粉本落人
世車箱谷口聽吹簫風流迢然三百載山容雲意空

相待一峯筆妙無人傳墨汁因緣留汝在經營慘淡
匠心意石面稜稜有奇致含毫解帶恣渲染倒捲虞
山入畫筍泉流石兮聽疑真屋映樹兮看非假卧王
蒙于紙中坐董源于筆下題君卷子更有一言欲問
君金鰲左股如何失半夜

述懷詩四十韻呈東澗先生

感極翻垂涕啣悲祇自知顛愚蒙品藻侗直荷恩私
入室容窺秘登樓與析疑篇章煩往復格律闡新奇
壓卷標吾炙開編戒汝欺縹囊題古帙絳雪和清詞

書竟傳王蔡人誇說項斯有文先許讀無席不容追
雲上軒中酒胎仙閣裏詩客來招共話賓至喚相隨
更喜經過數偏憐光景移醉盤春盎盎夜宴漏遲遲
却月停歌扇光風泛酒卮紅燈依笑語清醪照鬚眉
鼓急花爭放絃么柳暗垂翻思賓作主猶記祭為尸
酒罷扶床坐詩成剪燭窺墨莊香醴夢文海字淋漓
宇宙存洪筆乾坤剩絳帷捫心驚報答沒齒戴榮施
豚犬安名字泉臺勒銘碑沉吟雙淚涸感激一身危
竊嘆懸如磬堪嗟鈍若鎚百年寧肯負千載更從誰

蜮影憑人射蠹僮笑我癡謗傷殊可畏欲殺又何辭
俗子添蛇足狂奴竊虎皮石浮心獨省金鑠志全虧
巧立詞壇幟難降辨圍旗拍肩悲瞽相借目笑癡兒
印首徒軒激低眉嫉嗔呼讒言興白壁古道托朱絲
謠詠誠多矣踈狂或有之交遊雲汗漫貧賤日支離
瑟縮中懷惡憤騰壯志衰舌存空嘯傲筋倦強扶持
霜戛窓楞夜冰凋簷瓦時歲寒松影直月淡竹痕欹
卷籍能忘食琴書可樂饑平生仰止意只是奉洪規
有論詩者戲以絕句八首答之

凌雲健筆少人知
滄海觀瀾老更奇
澁雨慳風山鬼泣
乾坤清氣入詩脾

其二

俗瞽相蒙笑拍肩
抽青妃白也徒然
何因覓得西堂句
吟與襄陽孟浩然

其三

吟腸枯澁愧非才
堆案詩筒眼倦開
渭水茫茫吹落葉
邯鄲枕上酒人哀

其四

凌轢波濤意氣雄
還看水面過微風
詩情恰比張顛草
也在西河劍器中

其五

新賦悲哀去國情
白頭流落庾蘭成
關山苗裏菰蒲月
消得江南鴈數聲

其六

橫空鴈字下寒塘
忽忽西風過短牆
撥盡吟髭無意味
斜陽亭外立斜陽

其七

夜深饑鼠上燈檠領畧詩家點淡情好句此時何處
覓倦童嚙語煮茶聲

其八

真諦難傳教外宗禪心詩教本來通莫令童子窺窓
見戲瓦投他止水中

宿虎丘僧房

僧窓獨坐不成眠灰陷爐香似往年叫月鴈飛華拱
外呼風鳥到相輪邊病花悟解三生夢頑石虛參一
指禪半壁殘燈猶照我雞鳴後夜影迢然

梅村先生山塘同步伊人有詩邀作

偶陪綦履得閑行踏盡長堤草未生綠浪水迴香篆
影紅欄舸載管絃聲薄雲籠樹含朝雨斜日穿花逗
晚晴更上樓頭同眺望亂鴉無數遠山橫

渡江

萬歲樓邊畫角哀夕陽送我過江來山盤地勢危城
出潮捲沙痕別浦迴兩槳蕩開雲葉影孤篷蹴起浪
花堆那堪又聽瓜洲笛且盡河橋酒一杯

季滄葦侍御休沐歸里

珥筆歸來畫繡新
綠衣相對話埋輪
鯉庭日煖倚蘭
早爲府風生
列栢春三雅
捲波花醉客
九枝啣殿月
窺人長筵燕
譽須乘興正
及江南佳麗晨

丙午仲春十六日季因是先生肆燕相邀觀女
伎演劇酒闌作斷句十二首

頭盤倒捲燭花紅
繡幙圍春絲管中
一片行雲飛不
去
隨他冉冉過屏風

其二

安歌疏節譜新開
林放紅牙點拍催
畫肚記來過夜

半仙風吹落紫雲迴

其三

玉簫聲煖落梅天
簇簇歌心與月圓
談段莫誇詞譽
弄不勞牛口定場先

其四

墮馬鳴蟬面面新
燕鶯妬殺掌中人
拚將羯鼓催花
信放遍江南桃李春

其五

選勝徵歌列十眉
行杯促席漏遲遲
桃根舊記南朝

曲還倚東風舞柘枝

其六

鄰澤微聞笑語清
春光殫殺管絃聲
燒蘭作樹明如畫
一夜花開百媚城

其七

移宮換徵教紅粧
簇拍分明樂句長
揭調轉聲無誤處
何須顧曲問周郎

其八

牡丹亭畔想含嚙
慣是嬌饒會泥人
非霧非花何所

似祇應真說夢遊春

其九

江水東流盡去波
英雄巾幗古來多
洞花幽草留佳

話也記當年一曲歌

是日演漢柳大江東雜劇
洞花幽草酸齋二姬也

其十

輕風剪剪小紅飛
欲墮釵花蠟淚肥
却
遠延與微
笑美人姿態上羅衣

其十一

弓腰束素暗生香
急雪迴風袖帶長
銀空管中催字

舞女兒不唱踏春陽

其十二

憑將綠醕對紅裙度曲調笙到夜分歸

扶殘醉

卧一窓明月半牀雲

晚至廣陵

二月烟花冷似秋驚砂望裏下揚州料量旅鬢尋殘
夢磨折閱身認暗遊蜀井栖烏啣暮景雷塘飛鳥赴
春愁誰家水調歌明月爛醉城東舊酒樓

過潤州贈日庵使君

甕城花發錦城春竹馬兒童笑語真鵲擁行軒飛皂
蓋鹿隨茶戟夾朱輪跨坊盡說襄帷過閉閣休教列
炬陳聞道繼聲江上詠數峯得句亦清新

題梅仙書舫圖

葭菼蒼蒼一葉舟荻花蕭瑟動空秋扣舷
雨嘯隨魚鳥鼓柁長吟亂鷺鷗霞近前山催月入
川淺水露雲流烟波滅沒難終老欲採芙蓉可自

水村閒望

薄寒情緒思淒淒澤國風多柳色迷春水綠浮漁父

棹晚山青入野人犁數間茅屋和雲掩一幅蒲帆漾
日低野望不堪多悵恨閒行只在小橋西

琴心調笑詞六首

林下家風冰雪姿塵情幽夢見新詩
六恨無人

畫才子於今候掃眉

來詩有塵情已與銀河冷
幽夢猶同玉蝶栖之句

其二

淡蕩風懷別樣春意中光景扇中人何時闔墨晴窓
下隻倚羅帷覓句新

其三

井借疎冷捲殘秋情到西風葉落樓可惜夜長人不

寐鴻聲裡月當頭

其四

珠簾十里事迢迢辜負揚州廿四橋夢斷奈娥今夜
只却來此地教吹簫

其五

無聊情味怕單栖又聽城頭烏去啼半
飛不

起倦和燈影挂窓西

其六

三書集

三

目媒世人豈色我研才再三

則莫下來



卷年封刻



